

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

تذکره محاکمه علییه

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرتی اوله درق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تعیین و تحویل

دیار بکر ولایتی مرکز بدایت محکمه سی برنجی
مستطقلکنه سیواس ولایتی مرکز بدایت محکمه سی
ایکنجی مستطقی ابراهیم افندی
سیواس ولایتی مرکز بدایت محکمه سی ایکنجی
مستطقلکنه لازستان سنجاغی بدایت محکمه سی
مستطقلکندن مستعفی ذکر یا افندی تعیین اولنمش
ومومی الیهامدن ابراهیم افندیکنک اجرای تحلیفی محله
اشعار اولنغله برابر بوراده بولنان ذکر یا افندیکنک ده
اصول مقررده وجهله امر تحلیفی اجرا قلمشدر .

اراده مرحمتاده حضرت پادشاهی

چهارشنبه ده بکجکزر محله سنده ساکنه افاقت
خاتمک استقراض ایلدیک درت بیک غروشه مقابل
دری مفتش لردن امین افندی به مواضعه صورتیه فراغ
ایلدیک خانه ده مومی الیهامک فضولی اقامت ایتکده
اولدیغندن بختله تخلیه سی حقنده مومی الیه طرفندن
اقامه اولنان دعوا به قارشو مزبورده مذکور خانیه
مواضعه ترک ایلدیکنی افاده ایتکده ایسه ده سندسز
مواضعه دعوالرینک استماعی نظاماً ممنوع اولسنه بناء
خانه نک بالتخلیه تسلیمه حکم ایدلمش و مزبورده نک
حال ضرورته و محتاج مرحمت بر حاله بولندینی
اکلاشلیمسیه بدل فراغ اولان درت بیک غروشک
صدقه عافیت جهاتقیمت حضرت خلافتیناه اعظمی
اولمق اوزره عطیه سنیه ترتیندن بالتسویه امین
افندی به اعطاسی و مذکور خانه نک اعاده فراغی
خصوصنه عدلیه نظارت جلیله سنک عرض واشعاری
اوزرینه بالاستیدان اراده سنیه جناب جهانبانی
شرفصدور بیورلمشدر .

تبلیغات

ازمیر اشرافندن سعادتلو یحیی حیاتی پاشا

قلمش اولدینی حالده کلان جوابده اعلامده عباره سی
مندرج امتیاز فرماننده معدن مذکورک حدودی
کوسترلیدیکندن بختله حدود جهتی ایضاح ایدلماش
وتعیین حدود ایچون محکمه به مراجعت ایدلسنه لزوم
کوسترلمش اولسی اوزرینه مشارالیه طرفندن اولیابده
اجرا دائره سنجه اتخاذا اولنان قراره توفیقاً محکمه
مذکورده به مراجعتله اقامه دعوی ایدیه رک حکم
اعلامک تأخیر اجرایی طلب اولندقدده اقامه اولنان
دعوانک مذکور معدنه متعلق اولوب اولدینی تکرار
محکمه مذکورده دن لدی الاستفسار دعوی واقع
اوزرینه ایشک میزله حواله اولنمش اولسندن ناشی
میزلر جانبدن راپورالندقه دعوی حاضرده نک شمول
وتعلق جهتی کسیدریله میه جکی جواباً بیان واشعار
قلمغله ریاست اولی جانبدن استیدان معامله به لزوم
کوسترلیدیک اکلشلمش وفی الحقیقه اعلامده محکی فرمان
عالیده مذکور معدنک حدودی مندرج اولوب بوکا
نظراً معدنه حدود تعیینی ممکناندن بولنمش ایسه ده
بو معامله اجرا دائره سنک صلاحیت قانونیه سنندن
خارج واعلامی اعطا ایدن محکمه به عائد اولنغله تجارت
محکمه سنندن ویرلمش اولان بر اعلامک اجرا رئیس
صفیله ریاست اولی جانبدن تفسیر وایضاحی جائز
اوله میه جکی کبی اجرا دائره سی طرفندن قابل اجرا
کورلیوب محکمه به سوق اولنان و محکمه جه در دست
رؤیت بولنان بر ایشک نتیجه سی المنقسزین اجراسنه
دوام اولنمشی دخی غیر جائز کورنمش اولسنه بناء
محاکمه نک نتیجه سنه انتظار اولنمق لازم کله جکی انجمن
عدلیه افاده سیله عدلیه نظارت جلیله سنندن جواباً
ذکر اولنان مدعی عمومیلکه تبلیغ اولنمشدر .

محاکمه و مقدمات

طولاندریحیلق ماده سنندن دولای مظنون علیه
اولان بانوش ومغردیچک اوچر ماه مدته حبسلرینه
دائر وان ولایتی استیناف محکمه سی جزا دائره سنندن
ویریلان اعلامک تمیزی حقنده مرقومان طرفندن

حضرتلریله فرانسه دولتی تبعه سنندن موسیو طراسپول
بتاقو بیننده مشترک اولان آیدین سنجاغنه تابع قره جه
صو قضا سننده کائن زمیره معدنی اوجاغندن طولای
منعقد اولان صاحبک تصدیقی متضمن مرکز ولایت
تجارت محکمه سنندن لاحق اولوب مزبور بتاقو
طرفندن موقع اجرایه وضع ایدیلان اعلامده مذکور
معدنک حدودی مندرج اولدیغندن ومشار الیه
طرفندن مرقوم بتاقو علیه نه مذکور معدن حقنده
یکیدن اقامه اولنان دعوی اوزرینه عندالاستیضاح
محکمه جانبدن دعوی حاضرده نک مذکور معدنه
شمولی اولوب اولدینی بیلدیرلیدیکندن بختله مرکز
بدایت محکمه سی ریاست اولسندن استفسار معامله به
دائر تنظیم فلنان مذکره وملقوفی اولان اوراق
اجرائیه لدی المطالعده در دست اجرا بولنان اعلامک
یحیی حیاتی پاشایله مرقوم بتاقو طرفندن فرمانی
استحصال ایدیلان معدنه عائد اولدینی محکمه تجارتدن
بیلدیرلمکله برابر معدنک حدودی دخی مذکور فرمانده
مندرج ایدوکی ومشار الیه ایله بتاقو بیننده بشقه
معدنه متعلق اولمق اوزره منازعه وشرکت اولیوب
اخیراً اقامه اولنان دعوانک مذکور معدنه متعلق
بولندینی اکلاشلیمقدده ومعدن مذکورک حدودی
بروجه محرر معین ومعلوم اولنغله مذکور اعلامک
اجراسنه مانع اولور اورته ده بر حال بولنماقدده اولسنه
نظراً بموجب قانون معاملات اجرائیه به دوام ایدلمک
ضروری ایکن کیفیتک استیدانه لزوم کوسترلمسی
صورتیه تأخیر دوچار ایدلمسی غیر جائز اولدینی حقنده
آیدین ولایتی استیناف محکمه سی مدعی عمومیلکندن
وقوع بولان اشعار اوزرینه ، طرفینک استدعالریله
اوراق موجوده مفاهیمندن مستبان اولدیغنه کوره
پاشای مشار الیه ایله موسیو بتاقو بیننده مشترک
اولان مذکور معدنک حصه معلومه سی حقنده منعقد
صاحبک تصدیقه دائر تجارت محکمه سنندن لاحق اولان
اعلامک اجراسنه لدی الابتدار معدن منازع فهک
حدودی اعلام مذکورده تعیین قلماش اولسندن
طولای حکمی قابل اجرا اولدینی بیانیله دائره
اجراجه تعیین حدودی ضمننده محکمه تجارتده اشعار کیفیت

اعطا و محلی مدعی عمومیلکندن اسرا قلنان عرنحال
ایله اوراق منفرعه سی بالتدقیق مرقومانک حال موقوفیتده
اولدقلرینه و یاخود مکفلاً سیلهری اخلاقلندیفه دائر
اقتضا ایدن ورقة رسمیه یی ویرمدکاری اکلشلمش
وشو حالده اصول محاکمات جزائییه قانونک اوچیوز
یکرمی یدنجی ماده سی حکمک اجراسز قالدیغی تحقق
ایتمش اولمسه منی عرنحال مذکورک ردینه محکمه
تمیز استدعا دائره سنجه قرار ویرلمشدر .

کوربیجه سنجاغه تابع اسقوپول قریه لی کبراجی
طونی ورفقاسنک انشای راهده اوکلرینه جیقوب
تقود موجوده لرینی اخذوغصب ایتدکاری ادعاسندن
دولانی جنایتله متهم اولان اوپار ناحیه سنک قرشوه
قریه سی اها لیسندن احمدمان دیکر محمد قرائفیل وراغب
غنی و حسن بن محمدک اوچر سنه مدتلرله کورکه
قولنلرینه دائر لواء مذکور بدایت محکمه سی جزا
دائره سنندن ایکنجی دفعه اوله رق ویریلان الی اوچ
نومرو لی اعلام محکمه تمیز جزا دائره سنجه تصدیق
اولنمشدر .

سپاو قضا سنک حله ادم قریه سنندن نظام اوغلی
علینک کیفیت قتلندن دولانی جنایتله اتهام اولنان
قریه مرقومه لی قوجه علی اوغلی یوسف بن حسینک
اون بش سنه مدتلرله کورکه قولنلرینه دائر کوتاهیه
سنجانی بدایت محکمه سی جزا دائره سنندن اعطا قلنان
اوچیوز یکرمی بر نومرو لی اعلام محکمه تمیز جزا
دائره سنجه تصدیق اولنمشدر .

اوزینکار قریه سی اها لیسندن قره حسن اوغلی
علینک خانه سنندن اشیا سرقت ایتلرندن دولانی
جنایتله متهم اولان قریه مذکورلی اونیاشی اوغلی
مصطفی ایله عبدی اوغلی محمدک اوچر سنه مدتلرله
کورکه قولنلرینه دائر دکرلی سنجانی بدایت محکمه سی
جزا دائره سنندن ویریلان الی بر نومرو لی اعلام
محکمه تمیز جزا دائره سنجه تصدیق اولنمشدر .

شعبان اوزی ناحیه سنک اورنه قریه سی اها لیسندن
ازدر اوغلی مصطفانک کیفیت قتلندن دولانی جنایتله
اتهام اولنان ناحیه مذکورده نک چپار قریه سننده ساکن
عودن ایلی قریه لی احمد اوغلی علی عثمانک اون بش
سنه مدتلرله کورکه قولنلرینه دائر کنگری سنجانی
بدایت محکمه سی جزا دائره سنندن ویریلان یوزسکسان
اللی نومرو لی اعلام محکمه تمیز جزا دائره سنجه
تصدیق اولنمشدر .

قره بتک اوطنه سنندن اشیا سرقت ایتلرندن دولانی
جنایتله اتهام اولنان ارماسن قریه لی جهانگیر اوغلی
مصطفانک اوچر سنه مدتلرله کورکه قولنلرینه دائر وان
ولایتی استیفاف محکمه سی جزا دائره سنندن ویریلان
اوتوز نومرو لی اعلام محکمه تمیز جزا دائره سنجه
تصدیق اولنمشدر .

پتران قضا سنک حوریل قریه سی اها لیسندن
نورالدین زولیمه نک ماده قتلندن دولانی جنایتله اتهام
اولنان بولاحی قریه لی اسلام رمضان نام شخصک اون بش
سنه مدتلرله کورکه قولنلرینه دائر دراج سنجانی بدایت
محکمه سی جزا دائره سنندن ایکنجی دفعه اوله رق
ویریلان اون بر نومرو لی اعلام محکمه تمیز جزا
دائره سنجه تصدیق اولنمشدر .

عاشق عثمان اوغلی احمدک کیفیت قتلندن دولانی
جنایتله اتهام اولنان مستان اوغلی سالک اون بش
سنه مدتلرله کورکه قولنلرینه دائر قیصریه سنجانی
بدایت محکمه سی جزا دائره سنندن ویریلان الی درت
نومرو لی اعلام محکمه تمیز جزا دائره سنجه تصدیق
اولنمشدر .

برغمه قضا سنه تابع قفق قصبه سنندن اوچی
مصطفی اوغلی حسن حسینک ضرباً وفاتنه سببیت
ویرمسنندن دولانی جنایتله اتهام اولنان ملا حسین
بن حاجی امیرک بش سنه مدتلرله کورکه قولنلرینه دائر
آیدن ولایتی استیفاف محکمه سی جزا دائره سنندن
ویریلان ایککیوزاوچ نومرو لی اعلام محکمه تمیز جزا
دائره سنجه تصدیق اولنمشدر .

بلنان قریه سننده مقیم آتسکیلی احمدعلی خواجه نک
کیفیت جرحندن دولانی جنایتله اتهام اولنان قریه
مذکورلی حسن بن محمد علینک اوچر سنه مدتلرله
کورکه قولنلرینه دائر تکه سنجانی بدایت محکمه سی جزا
دائره سنندن اعطا قلنان سکسان بر نومرو لی اعلام
محکمه تمیز جزا دائره سنجه تصدیق اولنمشدر .

١٠٦ نومرو لی نسخه ده مندرج بولنان
جنایت محکمه سی اعلام نک مابعدی :

شاهد فری کوبنده کائن باقریبولو زرخانه خدمه
سندن عن اصل اسکی زغرهللی الی باشنده سلیمان
بن علی، اون بش سنه دبرو شوکت افندی یی طانیدیفی
وحسن حالی بیلوب عشرت وکیسه ایله منازعه
ایتدیکنی کورمدیکنی تذکار ایتدی .

شاهد ینه خدمه مرقومه دن اسکی زغرهللی
یکرمی بش باشنده عارف بن خلیل، متهم شوکت افندی
تیزه زاده سی اولوب ایواحالده بولندیغی، عشرت ویر
کیسه ایله منازعه ایتدیکنی کورمدیکنی ووقعه دن
مقدم صاری یاره ایک دفعه کیتدیکنی ایشتدیکنی بیان
ایلدی .

شاهد نشان طاشنده خانه ده مقیم و فری کوبنده
کائن طاش اوچاغنده عربجهی وعن اصل یکی زغرهللی
یتش بر باشنده عثمان بن علی، متهم شوکت افندی یی
مقدما قهوه خانه ده بعضاً کورمش ایسه ده احواله
واقف بولندیغی آتیان ایلدی .

شاهد یک اوغلی بدایت محکمه سی مدعی
عمومیلکی قلمنده باش میز وعن اصل اسکی زغرهللی
اوتوز بش باشنده حسن افندی ابن حسین، متهم شوکت
افندی نک حالی کوزل بیلدیکنی و بعضاً عشرت ایتدیکنی
وکیف اولدیغی کوردیکنی و بعضاً منازعه سی دخی
ایشتدیکنی درمیان ایلدی .

شاهد نشان طاشنده مناویکرمی بش باشنده
حاجی اسماعیل افندی ابن علی، شوکت افندی نک حالی
ایوبیلدیکنی و بعض کره عشرت ایتدیکنی افاده ایتدی .
شاهد نشان طاشنده عطار استانه لی اوتوز بش
باشنده صالح الدین افندی ابن موسی، شوکت افندی یی
حسن حال ایتلرندن بیلدیکنی تذکار ایلدی .

شاهد نشان طاشنده مقیم و فری کوبنده طاش
اوچاغنده عربجهی وعن اصل قرائقلی محمد بن حسن
دخی شوکت افندی یی اساساً طانیدیفی آتیان ایلدی .
شاهد صالح اغا اذمیده کیتش اولدیغندن جلینامه
تبلیغ اوله مدیغی، بربر وحافظ احمد نامنده ده کیسه
اولمدیغی اکلشلمه غله لدی السؤل متهم شوکت افندی
بولنارک استماعندن صرف نظر ایتدیکنی بیان ایتکه
ومعاون مومی الیه دخی فراغت واقعته نک قبولی
سویلکه مرقومانک جلب و تحریسه لزوم قالدیغی
اکلادلی .

علی هذا بعض کسانک اظهار حقّه مدار اولمق
اوزره جلیباری مقام ریاستن بالتسبب اکال محاکمه نک
یوم آخره تعاقب قلندیغی طرفینه بیلدیرلی .

شهر مذکورک اون برنجی کونی متهم شوکت
علی الاصول توقیفخانه دن کتوردیلرک معاون مومی
ایله ایله وکیل محمود رفیق یک و مدعی شخصیلر موقع
مخصوصارنده حاضر بولندقلری حالده محاکمه صالونه
جقیقه ره محاکمه علینه احرا سنه بالاندار هیئتجه قسماً
تبدل ووقعته منی ضوابط سابقه قرائت ایتدیرلرک
مندرجاتی طرفین تصدیق ایلدکدن صکره بر
موجب تسبب سابق دعوت واقعیه منی ورود
ایتدکاری خبر ویریلان شاهدلر برر برر حضصور

محکمه یه چقاریلررق خطرات قانونیه بعد الایفا بلا
تحلیف منفرداً و مواجهه استماع اولندقلرنده بوللرندن
صاری یاره معدن محله سننده مقیمه مقتول کاملک
همشیره سی و مرکبجی محمدک زوجیه سی اوتوز بش باشنده
بنیه بنت اسماعیل، معنادی وجهله بر کیجه والدینک
خانه سنه کیتدیکنده مسافر بولندیغی سویلرله عودت
ایتدیکنی وایکی کون صکره مذکور خانه یه کیدوب
بنه مسافر اولدیغی اکلامه غله ساعت اونبر راده لرنده
کندی خانه سنه عودت ایدرک فرداسی والدیه سنک
فریادی اوزرینه محل ووقعه کیدوب کاملک مقتول
اولدیغی کوردیکنی و باقرلی محمدی مذکور کیجه
کورماش ایسه ده هر وقت کاملک خانه سننده یانار
اولدیغی افاده ایلدی .

شاهده محل مذکورده ساکنه احمدک زوجة
مطلقه سی یکرمی باشنده امینه بنت صالح، ووقعه کیجه سی
خانه سننده او یقوده بولندیغی صره ده بر شخص دوواره
چاره برق طپراق دوکلمکه کیمدر دیهرک قیونک اوکنه
کیتدیکنده عربجهی باقرلی محمد اوراده بولنوب تلاش
ایله کبریت ایسته مش ایسه ده قیونی قیایه رق کبریت
ویرمدیکنی مکی مرقومک هاکی طرفدن کلدیکنی
واردقداشی بولنوب بولندیغی فرق ایدمدیکنی درمیان
ایتدی .

شاهد بنه محل مذکورده مقیم اون باشنده محمد
بن احمد، مذکور کیجه او یقوده ایکن دیواره بریسی
چارمقله والدیه سی امینه نک ارقه سنندن قیونک اوکنه
چقدیغنده عربجهی باقرلی محمد ایله ظلمت لیلدن
تشخص ایدمدیکنی بر یک چوجنی اوراده بولنده رق
مرقوم محمد کبریت ایتدیکنی ووالده سیده کبریت
ویرمیوب قیونی قیادیفی معلومات قیلندن اوله رق
اخبار ایتکه بوجهت مزبوره امینه دن صورلدقده
مخدومی محمد کندوسیه برلکده قیونک اوکنه کلدیکنی
و فقط کندوسی محمد دن بشقه کسنه کوره مدیکنی
تذکار ایلدی .

بنه محل مذکورده مقیم بولنان وعن اصل
باطوملی اولوب مقتول کاملک انشته سی اولدیغی سویلیان
شاهد فرق بش باشنده بکر بن مصطفی، ووقعه کیجه سی
صاحلین قائم والدیه سنک فریادی اوزرینه محل ووقعیه
کیدوب کاملی مقتول اوله رق کوردیکنی و مذکور
کیجه کندی خانه سننده بولنوب مقتل انحق بش التی
ارشون قدر بعد مسافده وقارشو قارشویه پتیره لرلی
بولندیغی حالده هیچ برکونه فریاد و کورلی ایشتمدیکنی
وکاملک اوزرنده یاره سی بولنوب حتی او کولورده
بربارکیر مخیر اولمق اوزره کتوروب اشترا وائمانی
اولان بش یوز غروشی اوزرنده کی یاره دن تأدییه وایفا
ایده جک ایکن مقتول اولدیغندن تأدییه اوله مدیغی

وکاملک بعضاً عشرت ایتدیکنی اخبار ایتدی .
شاهد بنه صاری یاره مقیم مرکبجی وعن اصل
یکی زغرهللی اوتوز اوچ باشنده اسماعیل بن علی، ووقعه
کیجه سنندن مقدم کوندوزین مقتول کامل ایله محمد
کورش طوته جقلری صره ده کیسه سی چیقاروب
کورش ختام بولندقلرکده یاره سی تعداد ایدرک بنه
جینسه قویدیغی کورمش ایسه ده یاره نک مقداریغی
تعیین ایدمه جکی و حضصور محکمه ده کی متهم شوکت
دخی اوراده بولندیغی آتیان ایلدی .
(مابعدی صکره یه)

اوزون چایر جوارنده زوجیه سی سلیمه یی جرح
و قتل ایلدیکنی ادعاسیله متهم بولنان ابراهیمک اجرا
قلنان محاکمه علنییه نتیجه سننده زوجیه سی سلیمه یی
بالمنازعه طبایحه ایله جرح و قتل ایلدیکنی اخبارات
وراپور ایله ثابت اولدیغندن اول وجهله مجرمیتنه
وقانون جزانک یوز یتش دردنجی ماده سنک ققره
اولاسی حکمه توقیفاً اون بش سنه مدتلرله کورکه
قولنلرینه محکمه جنایتجه قرار ویرلمشدر .

قوری چشمه ده کرج اوچاقلرنده اسلام نام شخصی
قتل قصیده جرح ایلدیکنی ادعاسیله متهم بولنان کونیدانک
اجرا قلنان محاکمه علنییه نتیجه سننده مرقومک
چفته تشکله و قتل قصیده اسلامی جرح ایلدیکنی
شاهدلرک اخباراتی و معاینه راپوری مندرجاتی ایله
ثابت اولدیغندن مجرمیتنه وقانون جزانک یوزسکسانجی
ماده سنه توقیفاً درت سنه مدتلرله کورکه قولنلرینه محکمه
جنایتجه قرار ویرلمشدر .

ایکی عدد الماس یوزک سرقت ایدن دائره بلیه
تنظیفات اونیاشیلرندن کنگریلی حسنک تاریخ
توقیفندن بالا اعتبار اوچ آیی جسنه و ختام مدتنده
ضابطه جه کفالتنه ربطنه و مال مسروق اولدیغنی بیلدیکنی
حالده مذکور یوزکاری صانون آلمش اولان ساعتجی
لازارینک دخی اون بش کون حبسنه
انکلتره دولتی تبعه سنندن قزغنجی آلفونسک
پولیس مأموری صالح افندی یی ضرب ایلدیکنی ثابت
اولدیغندن اون ایکی کون حبسنه
حاضر البسه جی علیکایی ضرب ایدن پاپاس
کورپسننده ساکن ترزی دیوستوقیلدن برلیرا آلتوب
مضروبه اعطاسنه
ارنبود کوبنده مقیم البسه جی فیلوسترادوسه
اطاله لسان ایدن ترزی بریکیدن برلیرا جزای
نقدی اخذینه
غلطه ده طبایقی دیتراک ایله سودجی پترو نک

اموال منقوله لرینه ایراث خسار ایلدیکنی اکلشیلان
تراموای سایی حسین اغدن اون بش بشلک جزای
نقدی آلتقله برابر خسارک دخی تضمینه
سرسرلیکی تبیین ایدن نیقولی ولد بنایوطک بر
آی حبسنه و ختام مدتنده ضابطه جه تسبب اوله جق
محله طرد و تبعیدینه
امینه خاتمک جبراً خانه سنه کیردیکنی ثابت اولان
محمد افندی نک برهفته حبسنه
تقسیمده آکری زقاقده مقیمه آمایایه اطاله
لسان ایدن قره کوبنده ساکن علقودن برلیرا جزای
نقدی آلتسنه

چهارشنبه ده ساکنه خیره خاتمک نافعہ خانمی
ضرب ایلدیکنی اکلشیلرندن برهفته حبسنه
یکدیکرینی ضرب ایدن آشجی داودک برهفته
واسکدار اسکله سننده شرتجی خضر بن مختارک اون بش
کون حبس لرینه درسعادت، یک اوغلی واسکدار بدایت
محکمه لرلی جزا دائره لرجه قرار ویرلمشدر .

مُحَامَلَاتُ نَتَبَاتِیَهِ

تیورجی قضاسی بدایت محکمه سی اعضای سابقه
سندن عارف و محکمه مذکورده برنجی کابی اولوب
اعضای وکالتنده بولنش اولان نوری و مدعی عمومی
معاونی وکیلی پولیس محمد حلی افندیلرک ضرب
وجرح فعلندن دولانی مظنوناً موقوف اولان بعض
اشخاصی خلاف قانون و صلاحیت تخلیه ایلدیکرلی
آیدن ولایتی استیفاف محکمه سی مدعی عمومیلکندن
ورود ایدن اوراق تحقیقه مندرجاندن آکلشلمه غله
مومی الیه مک محاکمه آتته آلتلرینه عدلیه نظارات
جلیه سنندن مأذونیت اعطا و مذکور مدعی عمومیلکه
تبلیغات لازمه اجرا ایدلمشدر .

الْاَلَانَاتُ

در سعادت منبایت حکمراننده :

اوچیوز اون سکر سنه سی مایسنک یکرمی برنجی
صالی کیجه سی اورته کوبده واپور اسکله سی جاده سننده
کائن توتونجی کر قورک دکانندن اچمنی و دیترینک
باغچه سنندن طوماس فدانلرینی سرقت ایلدیکرلی
ادعاسیله متهم اولان بانی و یوردان و رضانک رفیققلری
اولوب اورته کوبده دره بوینده اصناف نسلخانه
سننده بتوت و سیسار قصابلق ایله اجرای صنعت
ایتمکه ایکن فرار ایدن اورته بویلی ضعیف وجودلی

صاری ببقی الی یاشنده یانیلی بنایوط ولد طناش ایله اورته کویده اسکله جوارنده میخانه جی یورکینک میخانه سنده بیتوت ایتمکده ایکن کذلک فرار ایدن آشجی دیمتری نام شخصلر الان در دست ایدیلهمامش اولدقلرندن تاریخدن اعتباراً جانب ریاستدن کندولرینه مجدداً اون کون مهل اعطا قلمشدر مهل معین ظرفنده محکمه یه کلدکاری حالده قانونه اطاعت ایتمامش نظریه باقیلهرک حقوق مدنیهدن اسقاط قانه جقلری وعلیملرنده دعوا یه قیام اولنه جفی ومحاكمة غیایه لری ائنده ماللرینک حجز اولنه جفی وبوصرده برکونه ادعایه حقلری اولهمیه جفی وبالجمله ضابطه عدلیه مأمورلرینک کندولرینی طومتغه مجبوربولندقلری کبی معامله حجزیه حقنده دخی مدعی عمومیلکه تبلیغات مقتضیه اجرا ایدلدیکی جهته اصول محاکمات جزائییه قانوننک اوچیوز یتش برنجی و اوچیوز یتش ایکنجی ماده لرندن استنباط اولسان احکامه توفیقاً اشبو قرار نامه اعلان اولنور .

ارضروم استیناف محکمه سی مدعی عمومیلکنده :

نامروان قضاسنک تازه کوی جوارنده کی جان فدائی اورماننک احراقه سبیت ویرمسندن دولای مظلون علیه بولان پاسنلر قضاسنک آزاب قریلی ارسلان بن علینک فعل مذکوره مجاسرتله فرادیتدیکی اولسایده کی اوراق تحقیقه مألرندن اکلشلمش وحرکتی قانون جزانک یوز آلتش دردنجی ماده سی حکمنی مستلزم مواد جنائیهدن اوله رق ارضروم ولایتی استیناف محکمه سی جزا دائره سنده محاکمه سی اجرا قلمق اوزره جنایتله اتهامه قرار ویرلمش اولدیغندن مرقومک هر زرده کوریلور ایسه دردستله محکمه مذکوره توقیفخانه سنده تسلیمی لازمکله جکی بالجمله ضابطه عدلیه مأمورلرینک معلومی اولق اوزره اشبو اخذ وکرفت مذکوره سی ارضروم ولایتی هیئت اتهامیه سندن بالتظیم اعطا قلندی .

نجات بحریه محکمه سنده :

محکمه تجارت بحریه جه افلاسنه قرار ویرلمش اولان قرون فنجانجیانه عائد اولوب درسعادتده یکی جامعشریف حولیسنده ارضیه مغازه سنده موجود ومانیفاطوره یه متعلق بولنان اموال تجاریه نک اشبو تشرین اولک یدنجی بازار ایرتسی کونی ساعت درتدن اعتباراً بالمزایده فروختی مقرر بولنش اولدیغندن طالب اولانلرک یوم ووقت مذکوره مزبور محله حاضر بولنلری اعلان اولنور .

ایکنجی نجات محکمه سنده :

شیشیلیده مقیم عربیه جی پترونک ۵ تشرین اول سنه ۳۱۸ تاریخندن اعتباراً اعلان افلاسنه ومصالح افلاسیه نک رؤیت وتسویه سی ضمتنده اعضای محکمه دن عزتولیانقو افندینک ژوز قومیسرودعوی وکیللرندن براویان افندینک موقت سندیک تعینلرینه ومغازه سیله اشیا ی زائده بیتیه سنک تمهیرینه واوراق ودفاترینک جلبنه وبوبابده کی قرارک موقه اجراسنه ایکنجی تجارت محکمه سندن قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۳۱۸ سنه سی تشرین اولنک ۲۱ نجی بازار ایرتسی کونی ساعت التی راده لرنده اصحاب مطلوبک محکمه مذکوره نک افلاس اوطه سنه کلری اعلان اولنور .

استانبولده مرجان چارشوسنده (۴۶) نومرولی دکانده ساکن ایکن ایکنجی محکمه تجارتدن افلاسنه حکم اولنش اولان کاوساله جی ومشینجی میخالاککی حاجی یوان اطناسیادی وشراکسنک خصوصات افلاسیه سنک رؤیت وتسویه سی ضمتنده دعوی وکیللرندن واسیلایکی بانکیددی ونیقولاکی غودا افندیلر اصالة سندیک تعین قلمش اولدقلرندن مفلس مرقوم ذمتنده اله جفی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتنه تسلیم ایملری ومدت مذکوره ختامندن صکره اوچ کونده یعنی تشرین اولک یکریمی سکزنجی بازار ایرتسی یکریمی طقوزنجی صالی واونوزنجی چهارشنبه کونلرنده ایکنجی محکمه تجارتک افلاس اوطه سنه کله رک سندیک افندیلر مواجهه سنده اله جقلرینی اثبات وقید وتصدیق ایتدیرملری ومدت مذکوره ده اثبات وجود ایده میان اله جقلولر حقنده قانون مذکورک ۲۱۰ نجی ماده سنده توفیقاً معامله اولنه جفی اعلان اولنور .

اعلانات نظامیه اجرا دائره سنده :

عدد	عدد
۱ «قرآن کریم» بصمه ۹ بطایه	
۶ یوگدن معمول یصدیق ۲ کبیر وصغیر قهوه یوزی	
۶ یتاق چارشبی ۱ کهنه کورک	
۱۰ عادی حاوی ۱ قطیفه کورک	
۴ خرقة ۱ اوچ آرشون کورک	
۱ مستعمل قانیله قابی	
۸ چوراب «چفت» ۵۱ باش یمینسی	

۲ بز کوملک «طوب» ۳ تسبیح	
۵ بز کوملک ۳ باش اورتسی	
۱ مستعمل پارده سو ۱۶ مندیله	
۹ مستعمل ردینغوت ۳ پاره کیسه سی	
۷ کوش کر وادواتی ۶ ایشلمه اوچقور	
۲ کهنه یوزک ۵ ایشلمه لی حاوی	
۵ غنتاری ۲ یچاق	
۳ پالتقه پرده ۱ ایپکلی پشمال	
۱ یازمه سجاده ۱ ایپکلی طون	
۱ بخوردان وکلادان ۱ قلیج	
۲ مسک صابونی ۳ بارداق	
۲ کهنه بریسول ساعت ۱ یازی طاقی	
۵ یوزک طاشی ۴ چاقاقلی طبانجه	
۱۳ کوش ظرف ۳ بونجه دروننده	
۹ ایپک کنارلی کوملک ملبوسات وسائر	
۱ عادی شال	

عثمان اغانک سالم افندی زاده مصطفی افندی ذمتنده محکوم به آلاجنی اولان مبالغ معلومه نک تأمین استیفاسیچون مدیون مومی الیهک مالی اولوب حجز آلتنه آلمان بالاده جنس ونوعی محرر قرق اوچ قلم اشیا شهر تشرین اولک طقوزنجی چهارشنبه کونی ساعت بشده چارشوی کیرده بدستان دروننده بالمزایده فروخت اولنه جفی درسعادت اعلانات نظامیه اجرا دائره سندن اعلان اولنور .

اسکدار بدایت محکمه سی اجرا دائره سنده :

آغونی وسائر نک قره قلمجی آرتین اغا ذمتنده بااعلام آلاجنی بولنان مبالغک تأمین استیفاسی ضمتنده مدیونک اسکدارده سلامی علی افندی محله سنده سلحدار اغا باغچه سنده واقع برطرفی حاجیک وبعضاً اوسکیانک خانه وباغچه لری وارقه طرفی سرکه جی یورکینک بوستانی ودیکر طرفی میرجان ویاقونک خانه وباغچه لری وطرف رابعی سلحدار اغا باغچه سیله محدود، دروننده ایکی قیو وبر حوض وبر باغچوان اوطه سیله تحتانی اوچ وفوقانی ایکی اوطه دن عبارت برباب منزلی وتخمیناً اون بیک آرشون اشجار مشمره بی حاوی الی نومروایله مرقم بوستان بش حصه اعتباریه برکدک حصه سیله ملکنده اولان اوچ ربع حصه سنک تاریخ اعلاندن اعتباراً اون بش کون صکره بالمزایده فروخته مبادرت اولنه جفی اسکدار بدایت محکمه سی اجرا دائره سندن اعلان اولنور .